



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1562 usque ad annum 1563

**Fleury, Claude**

**August. Vind. [u.a.], 1771**

**VD18 9011860X**

§. 73. Philadelphiæ Antistitis oratio in qudam Conventu habita.

---

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

efficaciæ quoad legis executionem, quantum tribueretur potestatis arbitrio executorum, qui plerumque sunt aut timidi, aut nimium indulgentes, eapropter hujusce facultatis concessio ad solum veræ necessitatis eventum redacta est, & incerta distributionis portio in tertiam partem revocata, salva tamen auctoritate severiores pœnas infligendi, si contumacia adversus hoc decretum cresceret.

Sæc. XVI.  
A. C. 1562.

§. LXXIII.

*Philadelphicæ Antistitis oratio in quodam Conventu habita.*

His ita confectis, cum Leonardus Al-  
lerus, seu Hallerus Philadelphicæ in  
Ægypto Episcopus titularis, qui non ita  
pridem Tridentum venerat, in quodam  
Conventu, ubi hî articuli discussi fuere,  
suam sententiam proferendi occasionem  
nancisceretur, prolixo admodum sermo-  
ne Patres hortabatur; ut priusquam  
disciplinæ leges statuerent, Germaniæ  
Episcoporum adventum præstolarentur,  
ut vero hanc suam opinionem firmaret,  
tres hæc afferebat rationes:

*Pallav. l. 7.*  
*c. 10. n. 11.*  
*Sarp. l. 6.*  
*p. 516.*

I. Concilium hoc Generale dici non potest, in quo una integra Christiani orbis natio, & quidem primaria desideratur,

K 5

II. Ea

Sæc. XVI.  
A.C. 1562.

II. Ea non expectata in rebus Synodalibus procedere, non aliud est, quam negotia præcipitare.

III. A Pontifice Germani singillatim literis invitandi fuissent.

Verum hic Præsul, hæc rationes cum tanto animi impetu, verborumque acerbitate proposuerat, ut eidem plurimi Patres merito succenserent: attamen ignorabat bonus ille Germanus, quibus impensissimis officiis Pontifex ante biennium per Delphinum, & Commendonum ambos Nuntios suos Germanos Principes sollicitasset, quidve tam a Protestantibus, quam a Catholicis responsum fuisset, illis plane abnuentibus, his vero sese excusantibus, quod Concilio interesse non possent. Ceterum plerique opinabantur, Præsulem hunc Legatorum Cæsareorum impulsu ista locutum, cum hi, eo quod concessionem Calicis in aliud tempus prolata viderent, cetera omnia negotia in longum protracta cuperent: at hæc suspicio omnino falsa erat; haud enim ignorabant Oratores, quod Cæsar Legatos literis suis impense rogasset, ut reformationis negotium urgerent.